

澄城附志卷之五

教育志

民智之開端賴教育子輿氏云逸居而無教則近於禽獸日戰勝俄其國人歸功於小學教員興學育才今古同尊矧國家注重普通教育而北徵亦古文化奧區振興教育烏可緩圖茲於實業志後而志教育亦富而斯教之意作教育志第五

教育局

清末廢科舉而設學校光緒三十四年設勸學公所爲辦理全縣學務機關民國二年改爲學務局局長由知事呈請省教育廳加委職權得與省直接四年復改爲勸學所特去公字十一年添縣視學二附所內代知事視察學務十三年改爲教育局爲地方教育行政機關管理全縣學務局長一職權與學務局長同縣視學二亦知事呈請教廳加委教育委員三分區辦學事務員二管理文書及本局收支事宜

地址 勸學公所設於舊日玉泉書院民國五年軍隊駐紮遂無定址

義務教育

高級小學校

清末設高等小學堂於城內民國元年改堂爲校十二年頒布新學制改等爲級學生肄業年限向之二

三制亦改爲四二制高小校各區逐漸設立現計共七處分述於下

城內高級小學校 附設初中學校內自清末至今畢業十五次現共學生七十七名餘詳初中學校

寺前鎮高級小學校 名競化兩級小學校在該鎮東南隅民國元年吳紳遯党紳鵬程等因東嶽廟建

築該廟坐北向南並分三院中院後殿二楹殿前左右小室四寢殿三楹獻殿二楹殿前左右小室各一

間兩殿左旁倚壁廡房四間西院磚窰一孔南北向小房七間東院磚窰四孔並於中院兩殿右旁倚壁

蓋廡房四間設濟羣兩等小學校四年在東院蓋北向廡房六間五年在校後關操場一段環以牆垣六

年嚴紳訥在東院窰頂上蓋南北向大房五間作教室二十一年楊紳直拆毀西院磚窰高起樓房四間

四壁磚砌矗立陡起簷水暗瀉隱不可見上下教室四又於校前廣拓操場大可數畝改學校操場爲學

校園鑿井一眼爲植樹栽花種菜之預備藉廟前舞臺三間中空一間改修新式門道並改濟羣爲競化

自設立至今畢業十二次現計學生五十六名

按寺前鎮未設學校之先成立教育會所有高初小學校長由教育會聘請其經費亦由教育會担任籌措

韋莊鎮高級小學校 在該鎮西南隅民國九年知事胡居剛同党紳毅等建築該校地址坐北向南原

係民間荒廢院落二段是年八月開始興工築圍牆六十餘堵分正偏兩院計正院門房二間東西廡各

三間中蓋禮堂三間後起樓房七間每三間爲一教室上下分四教室偏院名藏修府門圓如月形內蓋

廈房二十一間教員室與學生寢室在焉大房二間儲藏校具十四年下學期畢業一次共七名現在學生十八名

按民國八九年縣屬滿北一帶係靖國軍佔領滿南一帶尙屬省知事行署駐紮黨神毅提倡興學故韋莊得獨有此項建築

醍醐鎮高級小學校 在該鎮街中民國十四年丁紳兆椿等因倉廩建築坐東向西舊只磚窰兩孔爲學生寢室現添蓋門房二間南邊作一小教室門房後左右廈房各五間南爲學生自習室北爲教職員室上房二間則一大教室也窰後有操場大約一畝環以牆垣現在學生二十五名

長閩鎮高級小學校 在該鎮街西民國十二年白紳蘊華等因三聖廟建築該廟原南向現改爲北向沿山勢分上下兩院上院前舊有大房二間作爲教室大房後左右廈房各五間爲教職員室廈房後大房三間則又一教室也院迤西地甚寬闊有大房三間亦改爲教室新建門廈三間門廈內操場一所下院舊有磚窰四孔爲學生寢室現在學生二十一名

王莊鎮高級小學校 在該鎮街北民國十四年王紳鳳蹲等因廟宇並壺山書院遺址建築坐北向南分正偏兩院正院蓋新式門廈二間東邊新修磚窰五孔爲學生寢室院後舊有磚窰七孔即廟宇也窗外廈房七間分作教室二偏院後舊有磚窰一孔作校長室院迤西磚窰二孔爲二教室蓋即書院遺址

現在學生十九名

党家莊高級小學校 民國六年楊紳沖霄等在崖畔築設立崇實學校不久旋廢至十三年遂在該村

之西因祠宇並三餘書院復設崇實兩級小學校坐落南向分正偏兩院正院即祠宇舊有門房三間校門因之擬在此後東西各蓋房屋二間作校長及事務室腰房三間作初級室上房二間作會食堂及禮堂東屬偏院即書院舊有門窗兩孔窗頂房二間作第三教室後邊磚窗四孔作生寢室及自習室窗頂上新蓋房六間作爲第一第二教室院東廡房九間爲教員儲藏閱報成績各室窗後有隙地三畝許作學校園十四年購買祠西地一段倚照東偏院形式建築俾東西規模一致校南傍廣場一所約二畝許係祠內公物現作操場現在學生五十二名

初級小學校

清末改各義學爲初等小學堂經費由縣開支民國成立後除城內初小由縣立外餘均各鄉村公立民國三年改初等小學爲國民學校十三年改爲初級小學校茲分區述之

學區 民國初分爲六區十二年改爲九區十三年又改爲二區曰南區大峪河以南均屬之南區地面較小以天然之溝界之也曰中區自大峪河以北至縣北之馬店村曰北區自馬店村至縣北境改革後地方不靖三區學校雖逐漸加增然均不能十分發達茲將十五年各區學校總數錄之如左

南區 高級小學校三曰寺前曰韋莊曰醴醐兩級女子小學校一曰寺前初級學校六十二處

中區 高級小學校二曰縣城曰長閨女子小學校一曰縣城初級小學校七十四處

北區 高級小學校二日黨家莊日王莊初級小學校八十處

全縣初小共計二百一十六處入學兒童四千有餘

女子小校 女小現僅二處述如下

城內女子小學校 民國四年設立但校址無定屢爲遷移十五年始因祖師廟建築該廟坐向北南分

正偏兩院正院舊有磚窰一孔大房二間今修葺大房爲教室教室外高起牆垣建立新式門道由門道入穿教室進東壁小門則偏院也偏院西舊有廡房六間兩間爲教室餘則爲校長並教員室現在女學生二十八人

寺前鎮兩級女子小學校 名競化兩級女子小學校民國元年設立校址先在該鎮北城門內西邊詎

時局糾紛房舍多爲兵匪所佔女校輒遷他所十一年始購民屋略事修葺而遷入焉今校在該鎮東北

隅坐北向南東西分兩院東院入校門拓爲操場西院計大房二間作教室二北廡房二間東西廡房各

三間爲校長及女教員室計高級畢業二次現在學生二十四人

職業教育

平民職業傳習所 在南街東坐南向北係舊日里民局之西院民國十二年設立從新改修計門房七

間西廡房五間南邊磚窰四孔現招學徒二十二人造毡裁絨織絨等

按吾滄人口總數約十一萬六千餘人以一·五計算二十人中計學童三人學齡兒童應有一萬七千餘人平均分之男童約八千數百人而義務教育中女校僅二處初級小學僅二百餘處失學男童尙居半數而女童尤不待言即此二百餘校中而有名

無實者尙爲不少職業教育僅平民職業傳習所一處而平民教育社會教育之設施全屬缺如教育之不發達爲何如耶是固由兵旱頻仍無力進行而人事之未盡亦不可不知也

初級中學校

民國十三年設立校址在南街中北路明之察院署清之考院清末高等小學堂舊址先是各區高小學校逐漸增加學生率多寒峻畢業後無力升學殊爲可惜至是知事王菊青遂就縣中高小校改設初中高小附設於共西兩院西院清爲城守營署再西爲財神廟民國十一年以各區初小乏合格師資因於此建設師範傳習所畢業後旋即停辦歸入高小校內並毀舊日轅門照壁建新式門牆以壯觀瞻現在學生共五十二名

教育經費

各區學校經費皆各區就地籌措間有由縣補助者而城內各教育機關其經費收支如左

收入

基金利息 前清崇文樓各款膏火銀三千兩卷價銀二千四百兩及罰款各項共計本銀七千五百兩錢三千串發當典生息此外又有地租房賃兩項均撥歸學款惟管理不統一或由勸學所或由高小校或由里民局至民國十一年八月知事王懷斌恢復財政局內附設教育款產獨立處局長兼任處長特派司事經理帳簿至是學校與教育局會計並遵章無論何項不准動用分文良由七年知事皇季有提用學只管本處開支與前不同

款本銀二千餘兩並四年復昇典倒閉虧學款本銀二千餘兩十一年勸學所動用本銀四百一十四兩三宗合計則七千五百兩之學款本銀至財政局成立僅交到二千八百一十六兩四錢三分已失去本銀四千六百八十三兩餘故嚴令不准再爲動用經財政局經理向日銀錢各款一律折變銀洋嗣各方籌措十三年三月賑餘洋六千餘元呈准省長除本金不動外學校動用息金又地畝變價洋二千八百餘元十五年總計本洋共一萬九千三百元有零月利二份行息由殷實商號作保貸借人民每年預計利息洋約四千六百餘元此外又有前次未折變之本銀二百餘兩本錢七百餘串

又民國六年地方公債票銀五千兩於十年被二十師提去累次交涉迄未見還十一年經知事王懷斌先由文電交涉繼派紳士李生花楊冲霄前往請求始照數歸還分發縣城高小銀一千兩寺前鎮高小銀二千兩韋莊鎮高小兩千兩作爲基金

菜豆行捐酒行捐牲畜頭頭捐花稱捐各項亦歸教育費用特每年收入無定額
支出

茲將十五年預算表總數載之

名	稱	月	支	年	支	合	計

教 育 局	二 八 七	三 四 四 四	以元為單位
初 中 及 附 設 高 小	五 四 七	五 九 九 〇	
職 業 傳 習 所	三 三 一	三 九 七 二	
		一 三 四 〇 六 元	

觀右所述收入與支出不敷遠甚均由地方款挪補

按我國學校制度尚在試驗期中將來自不無更動之處而吾澄教育應積極進行期達普及之目的自當一日發達一日茲不過述現在實狀云